

**BOSNA I HERCEGOVINA
FEDERACIJA BOSNE I HERCEGOVINA
TUZLANSKI KANTON
MINISTARSTVO UNUTRAŠNJIH POSLOVA
T U Z L A**

Broj: 08-01-

Datum: 25.05.2011. godine

**TUZLANSKI KANTON
VLADI TK
n/r sekretara**

**PREDMET: Izvještaj o radu Ministarstva unutrašnjih poslova u periodu
od 11.02.2011. do 20.05.2011. godine, dostavlja se.-**

Osnovni strateški cilj iz oblasti unutrašnjih poslova jeste da se maksimalnim angažovanjem svih raspoloživih resursa Ministarstva unutrašnjih poslova Tuzlanskog kantona unaprijedi ukupno stanje lične i imovinske sigurnosti i zaštite ljudskih prava građana Tuzlanskog kantona, te pruži zadovoljavajući nivo kvaliteta usluga građanima u upravno-pravnim i drugim poslovima iz djelokruga ovog Ministarstva.

Shodno procjenama menadžmenta MUP-a TK, koje se odnose na potencijalne izazove po sigurnost cjelokupne društvene zajednice u 2011. godini, određena organizaciona i funkcionalna ograničenja, koja mogu biti limitirajući faktor u pružanju najefikasnijeg odgovora na potencijalno opasne situacije, nametnule su potrebu efikasnijeg i funkcionalnijeg organizovanja kadrovskih i materijalnih kapaciteta, a posebno razvoja procedura brzih i efikasnih odgovora na sigurnosne incidentne.

S tim u vezi Ministarstvo je u 2011. godini utvrdilo slijedeće ciljeve:

1. Ojačati kriminalističko-istražne kapacitete policije za efikasno suzbijanje i razotkrivanje svih vidova kriminala iz nadležnosti Ministarstva;
2. Održavanje povoljnog stanja javnog mira i reda;
3. Unapređenje sigurnosti saobraćaja;
4. Unapređenja rada i povećanja efikasnosti u oblasti izdavanja identifikacionih dokumenata;
5. Razvoj ljudskih potencijala;
6. Razvijanje partnerskih odnosa s društvenom zajednicom;
7. Razvijanje sistema djelovanja Policije u kriznim situacijama;
8. Saradnja i koordinacija sa policijskim agencijama, tužilaštvima, sudovima i drugima;
9. Jačanje međunarodne policijske saradnje;
10. Unapređenje odnosa s javnošću;
11. Modernizacija i razvoj informaciono-komunikacionog sistema u okviru raspoloživih materijalnih sredstava.

PROGRAMSKE AKTIVNOSTI

U proteklom periodu, Ministarstvo je preduzimalo mjere i aktivnosti na realizaciji postavljenih ciljeva, a naročito na realizaciji zadataka koji proizilaze iz Prioriteta Ministarstva, koje je donio Ministar unutrašnjih poslova aktom broj: 08-01-33/11 od 17.03.2011. godine.

Stanje sigurnosti na području Tuzlanskog kantona je početkom 2011. godine imalo trendove pogoršanja u oblasti kriminaliteta, javnog reda i mira, te sigurnosti saobraćaja, koji su, nakon preduzimanja niza preventivnih i represivnih mjera zaustavljeni, a preduzimanjem kontinuiranih mjera i aktivnosti radi se na njihovom poboljšanju.

U periodu januar – april 2011. godine, ovo Ministarstvo je nadležnim tužilaštvima podnijelo 1542 izvještaja o učinjenim krivičnim djelima, za učinjenih 1682 krivična djela protiv 1820 lica. U odnosu na isti period prošle godine podnešeno je više za 31 izvještaj ili 2.05%, broj krivičnih djela je veći za 33 ili 2,0%, dok je broj prijavljenih lica veći za 99 ili 5,75%. Procenat rasvijetljenosti krivičnih djela prijavljenih po nepoznatom učiniocu je 55,30%, dok je ukupan procenat rasvijetljenosti 71,94%.

U periodu od marta do maja 2011. godine uočava se trend smanjenja broja učinjenih krivičnih djela, kako u odnosu na posmatrane periode prošle godine, tako i u odnosu na prethodne mjesece 2011. godine.

U periodu januar – april 2011. godine evidentirano je 898 prekršaja iz oblasti javnog reda i mira, što je za 6 prekršaja manje nego u istom periodu prošle godine. I u ovoj oblasti se uočava trend smanjenja broja prekršaja (januar – 236, februar – 246, mart – 178, april – 238).

U posmatranom periodu na području Tuzlanskog kantona se dogodilo 1565 saobraćajnih nezgoda u kojima je poginulo 8 lica, 72 lica su teško povrijeđena dok je 386 lica lakše povrijeđeno. U odnosu na isti period prošle godine broj saobraćajnih nezgoda je veći za 48, broj poginulih lica je manji za 1, dok je broj teže i lakše povrijeđenih lica veći za 7. Trend događanja saobraćajnih nezgoda varira od godišnjeg doba i u značajnoj mjeri je pod uticajem povećanja frekvencije saobraćaja u vrijeme vjerskih i drugih praznika.

Pored navedenog, realizovane su i brojne druge aktivnosti vezane za ostvarivanje prava građana u upravnom postupku iz nadležnosti MUP-a, sa visokim stepenom ažurnosti.

NORMATIVNA DJELATNOST

1. Predložene izmjene i dopune **Zakona o unutrašnjim poslovima TK-a.**

Razlozi za donošenje :

Polazeći od činjenice, da u proteklom periodu nisu obezbijeđene sve normativne, finansijske i tehničke pretpostavke za finansijsko osamostaljenje Uprave policije, Ministarstvo unutrašnjih poslova pripremio je izmjene Zakona u dijelu koji se odnosi na primjenu odredbi člana 6. Zakona.

Vlada Tuzlanskog kantona utvrdila je i dostavila Zakon u skupštinsku procedure, po hitnom postupku.

Skupština TK-a je dana 30.03.2011 godine donijela Zakon o izmjenama I dopunama Zakona o unutrašnjim poslovima Tuzlanskog kantona.

2. Predloženo donošenje **Uredbe o osiguranju određenih ličnosti i objekata u Tuzlanskom kantonu.**

Razlozi za donošenje Uredbe:

Odredbama člana 10. Zakona o unutrašnjim poslovima Tuzlanskog kantona, propisano je da Vlada Tuzlanskog kantona Uredbom određuje koje se ličnosti i objekti na području Kantona posebno osiguravaju.

Vlada Tuzlanskog kantona je, na sjednici održanoj dana 27.04.2011 godine, donijela navedenu Uredbu.

3. Predloženo donošenje **Pravilnika o privremenom eksternom premještanju policijskih službenika.**

Razlozi za donošenje Pravilnika:

Odredbama člana 65. stav 4. Zakona o policijskim službenicima Tuzlanskog kantona, propisano je da privremeni eksterni premještaj detaljnije propisuje Vlada Tuzlanskog kantona podzakonskim aktom.

Pravilnik o privremenom eksternom premještanju, obradilo je Ministarstvo unutrašnjih poslova, i predložilo Vladi Tuzlanskog kantona na usvajanje, koji je Vlada na sjednici održanoj dana 15.04.2011. godine donijela.

4. Inicirano donošenje **Uredbe o izmjenama i dopunama Uredbe o načinu i postupku utvrđivanja plaća, naknada i drugih materijalnih prava službenika i namještenika u organima uprave.**

Razlozi za donošenje Uredbe:

U dosadašnjoj praksi, uočene su određene nepravilnosti u primjeni Uredbe, koje se odnose na ostvarivanje prava budžetskih korisnika kod naknade troškova prijevoza. Otklanjanjem uočenih nepravilnosti došlo bi do određenih ušteda u Budžetu Tuzlanskog kantona.

U cilju otklanjanja uočenih nepravilnosti, Vlada Tuzlanskog kantona, na sjednici od 15.04.2011 godine, donijela je navedenu Uredbu.

5. **Prijedlog Pravilnika o unutrašnjoj organizaciji MUP TK-a.**

Razlozi za donošenje Pravilnika:

Odredbama člana 84. stav 2. Zakona o unutrašnjim poslovima Tuzlanskog kantona, propisano je da ministar unutrašnjih poslova, uz saglasnost Vlade Tuzlanskog kantona, donosi Pravilnik o unutrašnjoj organizaciji Ministarstva.

Pravilnik o unutrašnjoj organizaciji Ministarstva, pripremljen je u formi prijedloga, i bit će dostavljen Vladi TK, na davanje saglasnosti.

6. Pripremljen Nacrt Zakona o izmjenama i dopunama Zakona o javnom okupljanju Tuzlanskog kantona.

Razlozi za donošenje Zakona:

Nakon donošenja Zakona o javnom okupljanju, doneseni su novi zakoni: Zakon o prekršajima FBiH, Zakon o policijskim službenicima, Zakon o nabavljanju, držanju i nošenju oružja i municije TK-a, čime je nastala potreba za usaglašavanjem odredaba važećeg Zakona sa odredbama navedenih propisa i preciziranje određenih odredbi koje se odnose na procedure prijavljivanja javnog okupljanja, uslove pod kojima se može zabraniti javno okupljanje, kao i prava i obaveze organizatora javnog okupljanja.

Zakon o izmjenama i dopunama Zakona o javnom okupljanju Tuzlanskog kantona je u fazi pripreme i isti će biti dostavljen Vladi Tuzlanskog kantona u utvrđenom roku na dalje postupanje.

ANALITIČKO-INFORMATIVNA DJELATNOST

Pripremljena je Informacija o stanju sigurnosti na području Tuzlanskog kantona u 2010. godini i dostavljena Vladi TK u cilju informisanja Vlade i Skupštine Kantona, kao i šire javnosti, o aktuelnom stanju sigurnosti na području Tuzlanskog kantona i preduzetim mjerama i aktivnostima iz djelokruga unutrašnjih poslova, kao i uočenim sigurnosnim trendovima, kako bi se mogla donijeti ocjena o efikasnosti preduzetih mjera od strane organizacionih jedinica Ministarstva, stepenu realizacije postavljenih zadataka iz Programa rada za 2010. godinu, kao i donošenje određenih zaključaka u cilju preusmjerenja ili intenziviranja određenih aktivnosti, kako bi stanje sigurnosti na području Kantona u narednom periodu bilo na višem nivou.

JAVNE NABAVKE I MATERIJALNO – TEHNIČKO OPREMANJE

1. U skladu sa raspoloživim sredstvima utvrđenih Budžetom Tuzlanskog kantona za 2011. godinu, ovo Ministarstvo je sprovelo procedure javne nabavke putem 18 tendera i zaključilo ugovore o nabavci roba, usluga i radova u ukupnoj vrijednosti cca 1.550.000,-KM.
2. U toku je procedura javne nabavke putem tendera za 20 službenih putničkih motornih vozila u iznosu cca 420.000,- KM – vlastiti prihod i neophodne informatičke opreme u iznosu od cca 90.000.-KM – vlastiti prihod; rezervnih dijelova za motorna vozila cca 180.000,-KM te osiguranje imovine i zaposlenika Ministarstva, cca 115.000,-KM.

ODRŽANI SASTANCI I DRUGI POSLOVI

1. U periodu februar – maj 2011. godine, ministar unutrašnjih poslova je organizovao sastanke i izvršio posjetu svih Policijskih uprava i Policijskih stanica, na nivou MUP TK-a, na kojima je rukovodioce PU i Policijskih stanica upoznao sa Prioritetima MUP TK-a, za 2011. godinu.

2. Tokom posjete Policijskih stanica, ministar unutrašnjih poslova je upriličio i posjete općinskim načelnicima sa područja TK-a, kojom prilikom je načelnike općina upoznao sa ciljevima i politikom ministarstva za 2011. godinu.
3. Pokrenute su aktivnosti vezano za reviziju rješenja Penzijsko-invalidskog osiguranja, službenicima policije koji su proglašeni invalidima druge kategorije, kojih u Upravi policije ima oko 77

MINISTAR

Bego Gutić